

№ 72
(424)
Дуныз 5 коп.

1940 аре
14 октябре

ГОРД ЗНАМЯ

ВКП(б)-лэн Пудемской райкомезлэн но Райсоветлэн Исполкомезлэн оргаңзы

Районной выставкае образцово дасяськоно

Удмуртской Автономной Советской Социалистической Республикасы вань трудяшыйёсын 40ш ик, Пудемской районуьсь трудяшыйёс, туэ арын 4-тй ноябре асьсэлэсь юбилейзэс пус'ёзы.

Ленинлэн-Сталинлэн шонер национальной политиказы улсын, Пудемской районуьсь трудяшыйёс та нуналэ возматозы асьсэлэсь 20 ар 40же ужаса азинскем'ёссэс. Колхоз'ёслэн, предприятияослэн, нимаз-нимаз колхозник'ёслэн, производствоысь стахановец'ёслэн азинскем'ёсы паськыт возматэмын луоз Удмуртилэн автономиезлы 20 ар тырмонлы сизыса организозьть карем районной выставкаын.

Али азымынйсь колхоз'ёс асьсэлэсь экспонат'ёссэс выставкае вайыны дасяло ни. Соос мылыськыдысь кутскизы ужаны, чтобы б а д э с т ы н ы вань уж'ёсты та б а д э з ы м н у н а л о з ь. Еловской сельсоветысь, Кировлэн нимыныз нима колхоз дасяз ни ржанно-пшеничной гибрид, кудйзлэн урожае котькуд гектарысь 20 центнер. Кубиста—100 центнер гектарысь, чабей—14,6 центнер, жег—15 центнер. „Костромка“ колхоз дасяз сезы, кудйзлэн урожае котькуд гектарысь 16 центнер. „Азылань“ колхоз дасяз етын кидыс. Урожае солэн гектарысь 3 центнер. „Большевик“ колхоз дасяз

жег, нош „II пятилетка“ колхоз районной выставкае вайыны дасяз корнеплод. Корнеплодлэн урожае туэ арын котькуд гектарысь быдэн 150 центнер бастэмын. Одыг корнеплод кыске 10 килограмм котыр. Озы ик паськыт вольме ни пудо живот'ёслэсь районной выставкае вайыны экспонат'ёс быр'ён.

Но вань та возматэсь тырмыт өвёл на. Райзо (заведующее: Кандалов эш) ноказы но обеспечить өз кары колхоз'ёсын экспонат'ёсты быр'ёнэз, мобилизовать карымтэ та уже сельской хозяйстволэн специалист'ёсыз но.

Партийной, комсомольской, профсоюзной организациослы, трудяшыйёслэн депутат'ёссылэн совет'ёссылы паськыт вольмытоно агитационно-массовой ужез, соин валче паськыт возматэлоно районмылэсь но копак Удмуртской автономимылэсь социалистической строительстволэн котькуд интыосаз азинскем'ёссэс.

Первичной партийной организациослэн секретарьёсы юрттоно луо колхоз'ёслэн председательёсылэн районной выставкае дасяськон ужазы. Котькуд руководительёс азыпалан почетной задача — юбилеез пумитаны производственной, культурной политической улонын выль вормон'ёсын.



СССР-лэн Оборонаезлэн Народной Комиссарез Советской Союзлэн Маршалэз Семен Константинович Тимошенко.

ШУДО ЕГИТ'ЭС

СССР-лэн Верховной Советэзлэн Президиумезлэн „Государственной Трудовой Резерв'ёс кылдытон сярись“ Указэз паськыт сюрес усьтэ городской но колхозной егит'ёс азын. Сталинской эпохаын улйсь егит'ёс та Указ'я быгато дышетскыны пёртэм профессилы но басто асьсэлы тодонлык. Та Указэз мон бадзым шумпотонэн пумитай.

Таче шулдыр улон дыр'я каргаса тодэ вайыське азыло улонэз. 1912 арын мон нокутысь но пырыны быгатытэк, Булычев фабрикантне нокуче уж дунтэк улыны ин'яски. Татын 6 толзэз ужам бере мыным толэяз 25 копейка ужам дун тырыны кутскизы. Но ведь та, серем!

Али егит калыклы ужаны, дышетскыны но шудэтскыны условиос кылдытэмын. Та гожтэмын зарни букваосын Сталинской Конституцииын.

Милям пимы Юрий Прозоров мылкыд каре дышетскыны мыныны Железнодорожной Училище. Ми тае приветствовать кариськомы. Соин 40ш ик куриськом юрттэт райсоветлэн исполнительной комитетэзлэсь, чтобы со мед содействовать кароз Юрийлы Железнодорожной Училище мыныны.

Пудем село. Л. В. Прозорова.

Колхоз'ёс нявьзэс вузало

(Телефон пыр бастэмын)

ЕЛОВО, 12-тй октябре. Кировлэн нимыныз нима колхоз государстволы ю нянь сётон планзэ быдэстэм бере, хлебозакуп счетэн государстволы 9 тонн няньзэ вузас на.

ДАНИЛОВ.

БАЯРАН, 12-тй октрбре. Сельсоветысь колхоз'ёсын колхозник'ёслэн но колхозницаослэн обшой собраниоссы ортчылэ. Соос асьсэлэн собраниосазы огмылкыдын государстволы нянь вузан сярись вопросэз эскеро. „Ударник“ колхозысь колхозник'ёслэн об-

шой собранизы 60 центнер нянь вузаны пуктыз. Озы ик 65 центнер няньзэс вузаны пуктызы „Баяран“ колхозысь колхозник'ёс но.

В. ТОЛСТИКОВ.

ЧАБЫРОВО, 12-тй октябре. Колхозник'ёс жутскем мылкыдын вузало асьсэлэсь няньзэс государстволы. „Новый труд“ колхозысь колхозник'ёс 130 центнер няньзэс вузано шуыса пуктызы. Нянь вузан сярись вопросэз мукет колхоз'ёсын но обсуждать каронмын.

КУКЛИН.

Удмуртилэн автономиезлы XX ар тырмонлы

4-тй ноябре 1940 арын Удмуртилэн автономиезлы XX ар тырме.

Удмуртской калыклэн историез—со секыт курадзиса улэм сюрес, кудзэ ортчизы бывшой царской Россиялэн калык'ёсыз. Царь но солэн чиновник'ёсыз, күтец'ёс но фабрикант'ёс, заводчик'ёс но поп'

ёс, кулак'ёс но жандарм'ёс—удмурт калыкез грабить но угнетать карыллы. Адымилэн самой элементарной правоосызлэсь лишить карем но даурись - дауре пачкатыса возем удмурт калык кулон калэ вуттэмын вал.

Октябрьской социалистической

революция гинэ пырак азелы, СССР-ысь мукет калык'ёсын Чош ик, удмурт калыкез мозмытйз царской самодержавие киулысь и пуктйз сяськаяськись сюрес вылэ, азьланьын вылесь вормон'ёс понна нюр'яськыны.

Народной образование

Царизмлэн секытэсь наследствоосыз кылизы Удмуртской калыкылы. Территориын, кудзэ али объединять каре Пудемской район, дышетскем калык вал 8 — 9 процент гинэ. Нылкышноос-удмурткаос лышетскемез почги ой вал.

XX ар талэсь азьло т а т ы н 2 з е м с к о й но 3 приходской школаос гинэ вал, куд'ёс аз 355 мург сяна өз дышетскылэ. 5 ш к о л а о с ы н копак 8 гинэ дышетйсьёс вал.

Районын одйг гинэ вал библиотека, кудйныз кузёаськылйз фабрикант Пастухов. Та библиотекае котькыче муртлы пырыны уг луы вал. Культурной учреждениос интые та районын ужазы 3 черк'ёс но „святой ключик“, кудйз пыртй паськыт вълмылызы заразной висен'ёс.

Сяськаяськись Удмуртилэн XX ар чоже улэмез дырысен, Пудемской районлэн тусэз тодмантэм воштйськиз. Арысь-аре районлэн экономикаез но культураез будэ. Селолэн азьло планаз черк'ёс, стражник'ёслэн но урятник'ёслэн дом'ёссы интые, будо школаос, клуб'ёс, колхоз'ёслэн общественной построй-каосыз.

Удмуртской автономилэсь XX ар тырмон нуналэз Пудемской район

баздымесь вормон'ёсын но азинскон'ёсын пумита. Трудящойёслэн грамотностьсы али составлять каре 92 процент. Районын ужало одйг средней, 3 неполной но 17 начальной школаос, куд'ёс аз дышетско т р у д я щ о й ё с л э н 3597 м у р т нылпиоссы. До-революционной периодэн чошатыса школаослэн лыдзы 4 поллы, нош сотысь дышетскись пинал'ёслэн лыдзы 10 поллэсь но унолы булйзы. Районын али ужало ни 114 мурт дышетйсьёс.

Али дырлы ужало 23 библиоте-каос, книгаосыз отын 23301. Соос пöлын райбиблиотека но котькуд школаосын детской библиотекаос. Озыы ик ужало 9 изба-читальняос, 7 колхозной клуб'ёс но тросаз колхоз'ёсын красной уголок'ёс кылдытылэмын. Районной центрын вань районной клуб, звуковой кино-т е а т р , р а д и о у з е л. Горькийлэн нимыныз нимам но „Красные орлы“ колхоз'ёс, радиофицировать каремын, ваньмыз 335 радиоточкаос ужало.

Азьло ар'ёсы народной просвешенилы туж ичи коньдон лэзылыськиз. Нош али, кылсярысь, 1940 арын та ужлы 753500 манет лэземын, мар составить каре рай-бюджетлэсь 57 процентсэ.

НАРОДНОЙ ЗДРАВООХРАНЕНИЕ

Социально-бытовой висен'ёс удмурт калык пöлын туж паськыт вълмемын вал. Нош тае эм'яны царской правительство туж ичи коньдон вис'яллэз. Пудемской районлэн лечебной сетяз копак 3 м е д и ц и н с к о - фельдшерской но одйг акушерской пункт'ёс сяна ой вал. Больницаос вал кыдёкын. Уканаысь больница 27 километр, нош Глазовысь больница 50 километр. Калык'ёсты врач'ёс об-служивать өз карылэ, яке 40—50 сюрес калыкы одйг врач гинэ луылйз. Нылкышноос пинал вайылйзы съод мунчоосын, куд'ёс аз эскертылйзы пелляськысь бабушкаос. Соин ик трос нылкышноос но со-ослэн нылпиоссы кулылйзы. Трахомаен висьысьёслэн лыдзы куд-ог

гурт'ёсын 90 процентозь вуылйз. Озыы ке но та висенэз быдтыны сюлмаськись ой вал. Со понна паськыт вълмылйз знахарство. Трос дыр'я тиф висен быдэс гуртэ вълмылйз но соин нюр'яськись ой вал.

20 ар чоже здравоохраненилэн тусэз трослы воштйськиз. Али вань ни 42 штатной койкаосын районной больница, одйг амбулатория, районной аптека, детской но женской консультацис, 12 койкаен родильной отделение. Со сяна кылдытэмын на родильной дом'ёс колхоз'ёсын. 1940 арын 9 толэзь кустын родильной дом'ёсын но отделениын 428 мурт нылкышноос пинал ваизы.

Районын али 2 фельдшерско-

акушерской, 3 фельдшерской, 19 трахоматозной пункт'ёс вань ни. Царской власть дыр'я син'ёслы но кыче операциос ой ке вал, али больницаын вис'ямын 7 койка операцие лэсьтэм син'ёсын кыллисьёслы.

Туэ арын районамы ужало 94 мурт медицинской ужасьёс. Соос пöлын 2 врач'ёс, 33 мурт средней медицинской персонал'ёс но мукет'ёсыз. Таослэн нуналмысь кужмо ужаменызы районамы ко-пак быро ни социально-бытовой висен'ёс. Районной центрын 45 мурт нылпиослы вань детской ясли но 50 муртлы детской сад.

1940 арын народной здравоохраненилэн кулэаськоназ 268400 манет коньдон лэземын, мар составлять каре райбюджетлэн суммаез пöлысь 17,5 процент.

(Кылемез вуоно номерын)

Олимпиадае дасяськыны али ик кутсконо

3—4 ноябре районной центрын районысьтымы художественной самодетельностьлэн олимпиадаез ортчоз. Али дасяськон уж'ёс мыныны кутскизы ни. Котькуд сельсоветысь колхоз'ёсын та олимпиадаосты ортчтыны комиссиос кылдытоно. Сельсовет'ёсысь комиссиослэн задаказы — шараяны умойёсыз пöлысь умойёс аз эктысьёсты, гармошкаен, балалайкаен но мукет инструмент'ёсын шудйсьёсты, кырзасьёсты, декломатор'ёсты но мукет'ёс аз и ыстыны соосты районной олимпиадае.

Та ужез сельсовет'ёсын ортчтыны понна районысь комсомольской актив юнматэмын.

Котькуд колхоз'ёсысь, предприятияосысь, школаосысь но детской учреждениосысь комсомольской организациос та уж борды али ик кутсконо луо.

Районной олимпиадаын умой выступать карисьёс премировать каремын луозы. Соин ик та уже дасяськонлы нимысьтыз саклык вис'яно.

Г. Баженов.

Отв. редактор П. МАЛЫХ.